



Broj: II-9/18

Sarajevo: 16.01.2018. god.

VRLO HITNO !

BOSNA I HERCEGOVINA
FEDERACIJA BOSNE I HERCEGOVINE

Kontakt osoba : Mujo Aganović
Tel: 061/ 477-111

PARLAMENT FEDERACIJE BiH
Predsjedavajući Predstavničkog doma
Potpredsjedavajući Predstavničkog doma
Predsjedavajuća Doma naroda
Potpredsjedavajući Doma naroda
Svi poslanici oba Doma

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno:		16-01-2018	
Org. jed.	Broj	Priloga	Vrijednost
01	-02-	1470/14	

Predmet: Amandmani na Prijedlog Zakona o udruženjima od posebnog društvenog značaja

AMANDMANI

U Zakonu o boračkim udruženjima od posebnog društvenog značaja predlažemo slijedeće izmjene i dopune:

član 2.

U članu 2. iza riječi „ i Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH br 70/05, 61/06 i 9/10) dodaje se zarez i slijedeći tekst:

„te specifična/posebna kategorija ratnih vojnih invalida (RVI) 100% I grupe koja po Zakonu o osnovnim pravima boraca Federacije BiH ima pravo na pomoć i njegu od strane drugog lica: kvadriplegičari, paraplegičari, RVI sa potpunim gubitkom vida na oba oka i ostali RVI ove kategorije.“

Dalji tekst ovog člana ostaje nepromijenjen.

Član4.

U članu 4. pomenutog Zakona, iza stava 1. dodaje se stav 2. koji glasi:

“Izuzetno od stava 1 ovog člana, specifična/posebna kategorija RVI 100% I grupe iz člana 2 ovog Zakona koja ima pravo na njegu i pomoć drugog lica, stiču pravo na reprezentativnost bez obaveze registracije udruženja na opštinskim nivoima, uz uslov da okuplja najmanje 60% RVI koje predstavljaju na kantonalnim nivoima i federalnom nivou.“

Ovom dopunom stav 2. Postaje stav 3. a ostali stavovi se pomjeraju za broj više.

Obrazloženje:

Specifična/posebna kategorije RVI 100% I grupe koje po Zakonu o osnovnim pravima boraca Federacije BiH ima pravo na pomoć i njegu od strane drugog lica: kvadriplegičari, paraplegičari, RVI sa potpunim gubitkom vida na oba oka i ostali RVI ove kategorije iz člana 2 i 4 u našim amandmanima, do sada su svoje potrebe iskazivale preko Saveza ratnih vojnih invalida paraplegičara Federacije Bosne i Hercegovine, skraćeni naziv „SRVIP FBiH“, sa sjedištem u Sarajevu, ulica Grbavička 8A, upisanog u registrar udruženja Federalnog Ministarstva pravde pod registarskim brojem 746. Knjiga i Registara dana 17.12.2003.godine.

Savez je organizovana struktura Federalnog nivoa sastavljena od kantonalnih članica. Od osnivanja do danas u potpunosti opravdava svoje postojanje u skladu sa zakonskim propisima, ako ne i više. Savez zastupa najtežu i specifičnu kategoriju RVI sa povredom kičmene moždine, a pozitivni efekti rada Saveza odnose se i na sve RVI 100% I kategorije i općenito boračke populacije. Na ovakav način Savez pomaže kvalitetnijoj realizaciji prava kategorije koju predstavlja, a istovremeno, i državi Bosni i Hercegovini da pravilnije i pravednije tretira ovu kategoriju zaslužnih građana, te na najbolji mogući način njeguje tekovine časne borbe odbrambeno-oslobodilačkog rata.

Činjenica je da ostale boračke organizacije koje su nas „predstavljale“, uz dužno poštovanje, nisu uspjele proniknuti u srž kompleksnosti problematike ove kategorije kao posebne i Specifična. Iz ovih razloga smo bili prinuđeni da uprkos težini svog zdravstvenog stanja moramo uzeti svoju sudbinu u svoje ruke u smislu organizovanja i predstavljanja. Isto stanje imamo i danas, nakon 22 godine od kraja rata. U ovom smislu ništa nije promijenjeno, osim da je **stanje ove kategorije sve teže i kompleksnije a samim time i zahtjevnije u pogledu sveopštih životnih potreba i brige države i društva za naš dalji dostojanstven život.**

Brigu o nama **ne možemo prepustiti bilo kome**, uz dužno poštovanje, pa makar to bile i boračke organizacije koje kažu da nas zastupaju i da nas mogu zastupati. **Mi tvrdimo da to nikada nisu adekvatno mogle, niti će ikada moći, jer ne mogu razumjeti težinu našeg stanja. Dosadašnja iskustva ne dozvoljavaju nam bilo kakva nova testiranja, mi naprosto biološki više nemamo vremena za to.**

Upravo iz navedenih razloga, predlažemo i zahtijevamo izmjene Članova 2. i 4. kako smo gore predložili, da ova **kategorija trajno zadrži poseban/specifičan status koji joj i pripada.**

Obrazloženje za izmjene člana 4.:

Zbog činjenice da je ova kategorija RVI, radi lakšeg ostvarivanja svojih prava i integrisanja u društvenu zajednicu, najčešće koncentrisana u većim gradovima, odnosno kantonalnim centrima, često imamo slučajeve da se u manjim opštinama nalaze 2-3 ovakva RVI (a ponekad niti jedan). U takvim uslovima i prema kriterijumima iz član 4. Ovog Zakona, ova kategorija kao najteža i najranjivija, bila bi diskriminirana i unaprijed eliminisana od mogućnosti na ravnopravno učešće u sistemu organizovanja i predstavljanja svoje problematike.

Iz gore navedenih razloga, i još mnogo drugih problema koji su dio života ove kategorije a nisu ovdje nabrojani, **očekujemo i zahtijevamo da ova kategorija bude priznata i tretirana kao posebna i specifična u odnosu na sve druge kategorije.** Od organa zakonodavne i izvršne vlasti ove zemlje koje odlučuju u konačnici o ovom pitanju, a posebno od svakog zastupnika Parlamenta Federacije BiH (oba doma) pojedinačno, bez obzira na političku opciju iz koje dolaze, da kao i do sada, potvrde da razumiju stanje ove kategorije a time i svoju odgovornost.

Podsjećamo da smo do sada, kao što znate, išli snagom argumenata a ne argumentom snage. Ne prejudiciramo, ali u slučaju pokušaja neuvažavanja zahtjeva ove kategorije, **upozoravamo: Zakon o boračkim udruženjima od posebnog društvenog značaja neće biti usvojen.** To se može desiti samo pod uslovom da se najranjivija kategorija tretira na pravilan način.

Još jednom napominjemo da podržavamo uređenje ove oblasti i donošenje Zakona, ali, na pravednim osnovama, jer ponuđena verzija potpuno isključuje ovu najtežu kategoriju RVI.

Eventualnim uskraćivanjem mogućnosti ovoj kategoriji da predstavlja svoju problematiku a time i pomaže državi lakšem rješavanju istih, bili bi smo životno ugroženi a time ugroženo i naše dostojanstvo, a to sigurno nećemo dopustiti, to svakome mora biti jasno!

S poštovanjem!

Dostavljeno:

- 1 x Parlament FBiH - Predstavnički dom
- 1 x Parlament FBiH – Dom naroda
- 1 x Ismet Osmanović, predlagač Zakona
- 1 x predsjedavajući Predstavničkog doma FBiH
- 2 x potpredsjedavajući Predstavničkog doma FBiH
- 98 x zastupnici Predstavničkog doma FBiH
- 1 x predsjedavajuća Doma naroda FBiH
- 2 x potpredsjedavajući Doma naroda FBiH
- 50 x poslanici Doma naroda FBiH
- 1 x Predsjednik Federacije BiH
- 2 x Potpredsjednici Federacije BiH
- 1 x a/a



PREDSJEDNIK:

MUJO AGANOVIĆ